



Број/Број:

Sarajevo/Сарајево: 6.3.2014.

PARLAMENTARNA SKUPŠTINA BiH
PREDSTAVNIČKI DOM

n/r predsjedavajućeg Milorada Živkovića

64. sjednica Predstavničkog doma, 13.03.2014.

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 33/06, 41/06, 81/06, 91/06, 91/07, 87/09 i 28/12), podnosim sljedeću poslaničku

INICIJATIVU

Kojom se obavezuje Vijeće ministara Bosne i Hercegovine da u naredna 3 mjeseca pripremi i u parlamentarnu proceduru dostavi Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine kojim bi bilo predviđeno formiranje državnog Ministarstva poljoprivrede, prehrane i ruralnog razvoja Bosne i Hercegovine.

Образложење:

Općenito, sektor poljoprivrede i ruralnog razvoja u BiH karakteriziraju nedovoljni institucijski kapaciteti, preklapanje nadležnosti, nedefinirani lanci komuniciranja i kontrole u skoro svim oblastima poljoprivrede, slaba komunikacija i koordinacija kao i dijeljenje informacija između različitih nivoa vlasti, neujednačeni sistemi poticaja na različitim administrativnim nivoima koji nisu dovoljni i koji nisu usklađeni sa poljoprivrednom politikom EU. Uspostava ovog ministarstva bi garantirala najsigurnije i trajne promjene. Naime, funkcionalan pravni i institucionalni okvir koji je usaglašen sa EU standardima i najboljim praksama i koji podrazumijeva usku saradnju državnih, entiteskih i nižih institucija u sektoru poljoprivrede i ruralnog razvoja, osigurala bi jednakost poljoprivredne politike u cijeloj državi te i omogućila efikasnije upravljanje. Jedna dodirna tačka na državnom nivou između EU i BiH bi pojednostavila komunikaciju i spriječila dupliranja.

Inicijativu upućujem Kolegiju Predstavničkog doma i Predstavničkom domu.

Poslanik SDP BiH
dr. sc. Denis Bećirović